

Nunatta Qitornai

Inatsisartuni



27. september 2019

UKA2019/19

Uunga siunnersuut: Akiliisarfik Ilanngaassivik pillugu Inatsisartut inatsisaat nr. xx, xx. xx 2019-imeersoq.

(Aleqa Hammond, Nunatta Qitornai)

Inuaqatigiit inuit 56.000 missaannaaniilluta ullumikkut innuttaqatitsinnit 30.000 missingi pisortanut akiitsoqarput.

Akiitsulli amerlalluinnarnerisa peqqutigisaanik akiliisitsiniarnermut tunngasutigut ukiorpas-suangortuni Inatsisartutigut oqaluuserisat qaqlerneqartartut amerlaqaat. Akiitsut pillugit nalunaarusiit, akiitsut pillugit iliuuserisinnaasat, akiliisitsiniartarnerup qitiusumik aaqqissorneqarnera, akiliisitsiniartarnerup aaqqissuussivigeqqinna ilaalu ilanngullugit. Suliaq angisooq, allaffissorneq an-gisoq akiliisitsiniartarnerup silarsuaani suliaq ingerlavooq.

Maanna Naalakkersuisut sulinermanni Ilanngaasivik atulernissaanut saqqummiussaa pillugu isumaqarpugut ajunngittussap tungaanut alloriarnerusoq. Akiligassallit pillugit aaqqissutissat eqaatsut aammalu kommunit peqatigalugit eqaatsumik aaqqiissuteqarniarnermut alloriarneruvooq eqqortoq.

Suliaq maannga killinnissaanut tunngatillugu aaqqissuussinissamut Savalimmiormiut inatsisartunit annertuumik isiginiarneqarnikuupput, uani innuttaasunut akiliisitsiniartarneq eqaatsoq aammalu torrallataq isiginiarneqarnikuovoq. Innuttaasut ataasiakkaanit atorneqarsinnaalluni aammalu akiitsorpassuaqalernissaq pinngitsoortinniarlugu qulakkeerinneqataasumik aaqqissuussineq tunngaveqarmat.

Suliap atuutilersinneqannginnerani maannakkut innuttaasut 30.000-it angullugit pisortanut akiligassallit eqqarsaatigalugit aammalu akiligassat akiitsullu annertussusai eqqarsaatigalugit ilisimavarput akornanni inissisimasoqarput akiitsuminnik assoroorlutik ilungersoraluarunilluunniit qaqinngisaannartussanik, imaluunniit uunga killissasut utoqqarsuanngussasut suli taamannanik akiitsoqarlutik. Periarfissaq manna atorlugu Naalakkersuisunut kaammattutigiumavarput atuutilersinneqannginnerani innuttaasut akiitsullit akiliisinnaassusaannik nalilersuinermi aammalu akiitsup qanoq sivisutigisumik annertusiartorusaartup qaangerniarneranut naakkinnittumik eqqarsarsinnaassuseqarnissaannik. Imatut paasillugu nassuerutigineqartariaqarmat kisitsit innuttaasunit pissamaatigineqartut akiitsut akilerneratigut piviusumik ilumut pisortanut akiliutigineqanngisaannartussatut inissisimaneq nalilerlugu ataasiakullattumik isumakkeerininnissutiginnissinnaaneq aqqtissiuuteeqqu-

Nunatta Qitornai

Inatsisartuni



narpoq. Akiliisinnaassuseq ataasiakkaasumik nalilersorneqarli pivusorsiortumillu tunngaveqartumik akiliisitsiniarneq ingerlanneqarpat neriuulluarneq iluaqtissarlu annerpaaq periarfissiisutigineqassasoq nalilerparput.

Pisortanut akiitsoqalersarnerup amerlasuutigut peqqutigaa innuttaasut akiliisinnaassusaata appasinnerat. Ataasiarlutik kinguuattoorunik amerlasuutigut akiitsup qaammatip tullianimut akilerneqarnissaanut artukkerluni inissittarneq ilisimavarput. Taamaattumik pingaaruteqarput pingaaratumik isertitakinnerusut eqqarsaatigalugit akilerneqarsinnaasunik isertitakinnerusunut atugas-saqartitsinissarput. Akiliisinnaassuseq qaangerlugu akeqartitsinerup nassatarissammagu akiliisin-naangitsut akiitsullillu amerliartuinnarnerat.

Akiliisinnaagaluarlutik akiitsullit aammalu akiliisinnaanatik akiitsullit immikkut isigineqartari-aqartutut isumaqarfigaarp. Tunngaviit assigiinngitsuupput aammalu tunngaviatigut assigiinngit-sumik isigineqassasut isumaqarpugut.

Isertitaqassutsip inisisimaneranik assigiinngitsumik suleriuseqarnissaq isumaqatiginaqaaq aammalu kommunit peqatigalugit iliuuseqarniarneq taperserparput.

Aaqqissuussiniarnermi illoqutigiit aaqqissugaanerat aallaavigalugu isiginninniartoqarnera iluarisi-maarnarpoq qulaakkeerniarneqarmallu aningaasaq sinneruttoq inuussutigineqarsinnaaneranik tunngaveqartumik naatsorsuisoqartarniarmat. Kisiannili inuussutigineqarsinnaasoq annertussuseq Nuummi Ittoqportoormiunilu assigiinngeqaaq. Tamanna nunami aaqqissugaanitsigut akitigullu assigiinngitsorujussuarmik inuuussutissat akii eqqarsaatigalugit aningaasartuutaasullu naliginnaasumik assigiinngisitaqisumik aaqqissorneqarsimanagerat ilisimaarineqassasoq ilanngullugu oqaaatigi-umavarput.

Pisortanut akiligassat ingerlaavartumik malinnaavagineqarsinnaasumik aaqqissuussinermi ilanngun-neqarniartut iluarismaarnarpoq.

Akiligassalik maanna eqaannerusumik aaqqissuussivineqarneratut maanna isigineqaannarnani aammalu pisortanit akiitsunik akiliisitsiniarneq kinguneqarnerusoq eqqunneqartussanngortoq taperserparput, suliarlu ataatsimiitaliamut ingerlateqqillutigu.